

საჯარო სამართლის იურიდიული პირი -  
ბათუმის შოთა რუსთაველის სახელმწიფო უნივერსიტეტი  
ბრძანება N 01-02/164

ქ. ბათუმი

18 ოქტომბერი, 2019 წ

2019-2020 სასწავლო წლისათვის ევროკომისიის მიერ დაფინანსებული „ერაზმუს+“  
გაცვლითი პროგრამაში მონაწილე ბსუ-ს სტუდენტთა შესარჩევი კონკურსის  
ჩატარებისა და საკონკურსო კომისიის დამტკიცების შესახებ

„უმაღლესი განათლების შესახებ“ საქართველოს კანონის 22-ე მუხლის, ბსუ-ს  
წესდების მე-13 მუხლის, „საერთაშორისო გაცვლითი პროგრამების ადმინისტრირების  
წესის დამტკიცების შესახებ“ ბსუ-ს აკადემიური საბჭოს 2019 წლის 14 აგვისტოს N06-  
01/89 დადგენილებისა და ბსუ-ს უნივერსიტეტის სტრატეგიული განვითარებისა და  
საგარეო ურთიერთობათა დეპარტამენტის უფროსის მოადგილის ნანა ყურშუბაძის  
2019 წლის 7 ოქტომბრის MES 8 19 01349129 მოხსენებითი ბარათის საფუძველზე

ვბრძანებ:

1. გამოცხადდეს კონკურსი 2019-2020 სასწავლო წლისათვის ევროკომისიის მიერ  
დაფინანსებული „ერაზმუს+“ გაცვლითი პროგრამის ფარგლებში, უცხო ქვეყნის  
უმაღლესი საგანმანათლებლო დაწესებულებების საგანმანათლებლო პროგრამებზე  
(ინფორმაცია განთავსებულია ბსუ-ს ვებგვერდზე, ბსუ-ს სტრატეგიული განვითარებისა  
და საგარეო ურთიერთობათა დეპარტამენტის ვებზე) სტუდენტთა მობილობის  
განხორციელების მიზნით ბსუ-ს საგანმანათლებლო პროგრამების სტუდენტთა  
შერჩევის მიზნით და განისაზღვროს შემდეგი საკონკურსო ვადები:

ა) გამოცდა უცხო ენაში (ტესტირება : B1/B2 დონის განმსაზღვრელი - უმაღლესი  
განათლების პირველი საფეხურის საგანმანათლებლო პროგრამის სტუდენტებისათვის;  
B2 დონის განმსაზღვრელი - მაგისტრატურისა და დოქტორანტურის საგანმანათლებლო  
პროგრამის სტუდენტებისათვის)- 2019 წლის 18 ოქტომბერი;

ბ) კონკურსში მონაწილეობის მსურველთა საკონკურსო დოკუმენტაციის მიღება  
ელექტრონულ ბმულზე ([საინფორმაციო ტექნოლოგიების სამსახურის  
დახმარებით](http://registration.bsu.ge)) <http://registration.bsu.ge> და მატერიალური სახით ბსუ-ს კანცელარიის  
მემწეობით - 2019 წლის 21 ოქტომბრიდან 4 ნოემბერამდე (10:00 სთ-დან 18:00 საათამდე,  
შაბათ-კვირის გარდა). საკონკურსო დოკუმენტაცია უნდა წარმოადგინოს  
კონკურსანტებმა, რომლებიც გადალახავენ უცხო ენის გამოცდისათვის დადგენილ  
ბარიერს;

გ) საკონკურსო დოკუმენტაციის შემოწმება და შეფასება - 2019 წლის 05-07 ნოემბერი -  
სტრატეგიული განვითარებისა და საგარეო ურთიერთობათა დეპარტამენტის  
(საკონკურსო კომისიის) მიერ.

დ) გასაუბრება კონკურსანტებთან - 2019 წლის 11-12 ნოემბერი (ჩატარდეს საკონკურსო  
კომისიასთან (მისამართზე: ქ. ბათუმი, ნინოშვილის ქ. №35, ბსუ-ს პირველი კორპუსი,  
ოთახი №35). გასაუბრების ზუსტი დრო დამატებით ეცნობებათ სტუდენტებს ბსუ-ს  
ვებგვერდის ან/და მათ მიერ საკონკურსო განაცხადში მითითებულ  
ტელეფონებზე/ელექტრონულ ფოსტაზე;



ე) კონკურსანტთა სიების გადაგზავნა მიმღებ უნივერსიტეტებში - 2019 წლის 15 ნოემბერი.

2. დამტკიცდეს საკონკურსო კომისიის ძირითადი შემადგენლობა:

ა) თამარ სირაძე - რექტორის მოადგილე (თავმჯდომარე);

ბ) გიორგი თავამაიშვილი - სტრატეგიული განვითარებისა და საგარეო ურთიერთობათა დეპარტამენტის უფროსი (თავმჯდომარის მოადგილე);

გ) ნანა ყურშუბაძე - სტრატეგიული განვითარებისა და საგარეო ურთიერთობათა დეპარტამენტის უფროსის მოადგილე;

დ) ირაკლი კორძია - ხარისხის უზრუნველყოფის სამსახურის უფროსის მ/შ;

ე) ქეთევან დევაძე - ფსიქოლოგიის კლინიკის კოორდინატორი (კომისიის მდივანი).

ვ) ხათუნა ხაბაძე - სტრატეგიული განვითარებისა და საგარეო ურთიერთობათა დეპარტამენტის მთავარი სპეციალისტი.

3. საკონკურსო კომისიის შემადგენლობას, სათათბირო ხმის უფლებით, შესაბამისი ფაკულტეტის სტუდენტების გასაუბრების ეტაპზე დაემატოს ამ ფაკულტეტის დეკანები (როსტომ ბერიძე - ტურიზმის ფაკულტეტიდან, ლელა თურმანიძე-ზუსტ მეცნიერებათა და განათლების ფაკულტეტიდან, მარინა ქორიძე-საბუნებისმეტყველო მეცნიერებათა და ჯანდაცვის ფაკულტეტიდან, ვლადიმერ ლლონტი-ეკონომიკისა და ბიზნესის ფაკულტეტიდან, ლევან ჯაყელი - იურიდიული და სოციალურ მეცნიერებათა ფაკულტეტიდან, მარინე გიორგაძე-ჰუმანიტარულ მეცნიერებათა ფაკულტეტიდან და გაიოზ ფარცხალაძე-ტექნოლოგიური ფაკულტეტიდან).

4. უცხო ენაში გამოცდების ჩატარება, ასევე გამოცდის ჩატარების დროისა და ადგილის შესახებ ინფორმაციის საჯაროობა, უზრუნველყონ ენებისა და საინფორმაციო ტექნოლოგიების ცენტრმა და სტრატეგიული განვითარებისა და საგარეო ურთიერთობათა დეპარტამენტმა ერთობლივად, მათი კომპეტენციების შესაბამისად.

5. სტუდენტების კონკურსის წესით შერჩევა განხორციელდეს ბსუ-ს აკადემიური საბჭოს 2019 წლის 14 აგვისტოს N06-01/89 დადგენილებით დამტკიცებული „საერთაშორისო გაცვლითი პროგრამების ადმინისტრირების წესით“ განსაზღვრული კრიტერიუმებით და პროცედურებით.


6. წინამდებარე ბრძანების აღსრულებაზე კონტროლი განახორციელოს რექტორის მოადგილემ, პროფესორმა თამარ სირაძემ.

7. ბრძანება სახელმძღვანელოდ და აღსასრულებლად დაეგზავნოს ბსუ-ს შესაბამის სტრუქტურულ ერთეულებს (საინფორმაციო ტექნოლოგიების სამსახურს, სტრატეგიული განვითარებისა და საგარეო ურთიერთობათა დეპარტამენტს, იურიდიულ დეპარტამენტს, ფაკულტეტებს), საკონკურსო კომისიის წევრებს, ადმინისტრაციის ხელმძღვანელს და რექტორის მოადგილეებს.

8. ბრძანების ბსუ-ს ოფიციალურ ვებგვერდსა (კონკურსების ველში) და საინფორმაციო დაფებზე (კანცელარიასთან და ფაკულტეტებზე) განთავსება უზრუნველყოს საინფორმაციო ტექნოლოგიების სამსახურმა და კანცელარიამ, მათი კომპეტენციების შესაბამისად.

9. ბრძანება ძალაშია ხელმოწერისთანავე.

რექტორი, ასოცირებული პროფესორი

  
მ. ხალვაში